


南川縣志書

地.280.23/
34
21



南川縣志書

南川縣

星野

井鬼之分入參三度


沿革

南川縣古邑也建自漢始名枳縣地屬巴郡周隋為邑縣地唐貞觀十一年分置隆化縣西永隆山為名屬涪州先天元年改曰賓化宋初復曰隆化熙寧七年改屬南平軍宋嘉熙三年徙軍未治元至十一年廢軍及隆化縣改置南川縣屬重慶府路明仍改南

川縣編戶四里隸重慶府國朝因之編戶二里曰豐隆里福祿里每里各分七甲

形勝

前臨金山後擁竹箐福閣峙於右櫃嶺橫於左遠扼黔楚近輔巴涪雖渝南巖邑實川東保障延一百七十里袤二百九十里在重慶府東三百十五里東抵貴州正安州界一百六十里南抵貴州桐梓縣界九十里西抵巴縣界七十里北抵涪州界八十里西南抵綦江縣界八十里西北抵巴縣界一百里至省一千五百三十五里



城池

城池之舊制有三一在福五甲龍現橋東首即漢設
積縣地一在福一甲三潮水即唐設隆化縣地一在
今治即宋設南平軍地明仍之成化中和縣劉斐如
築土城外環以濠嘉靖九年知縣陳光道建修磚城
高一丈二尺厚六尺周圍六百三十丈垛口一千一
十七垛周圍三里五分東西南北四門康熙二十四
年重修雍正十二年夏六月大雨淋漓城南塌七十
丈九尺城北塌五丈四尺知縣張暉捐俸補修並於
城內設坊柵四座稽查夜行乾隆十年陸玉琮蒞任

城垣又多坍塌漸次修整堅固並增建四城門鼓樓
四座

公署

明洪武年間修大堂三楹東西書房各四間嘉靖間
大門上加懸樓建二堂三楹東設長濟倉西設獄房
明季盡灰康熙元年修二堂各三間東西書房各四
間俱係草屋康熙六年知縣劉德健重修康熙三十
六年知縣喬文錦改修蓋瓦大堂三間儀門三間四
十年知縣張景良改修蓋瓦二堂三間四十七年知
縣張有孚改修蓋瓦二堂五間雍正六年知縣王國

定添修蓋瓦四堂五間並花廳三間雍正十一年知縣張昉改修蓋瓦東西書房各四間並設土地祠一所捐修舊倉一十一間新建倉廩八間乾隆十年知縣陸玉琮到任後向所謂花廳者瓦礫而已基址猶存緬維命名之意不覺憮然有感頭門外照牆以亂石堆砌高不盈丈乾隆十一年以磚易石平整堅固高爽巍煥并設東西兩柵頭門上鼓樓一座坍塌不堪亦重新整造高懸南川縣扁額於上其月臺上上諭牌坊向係低小損壞急為起高朱聖燦飾以展誠敬乾隆十三年復於堂偏之際添設東西兩班房為輕

犯拘繫之所又設東房一間賓館一間並書吏二名聊以應接往來賓客

舊管常平倉廩一十三間在署內東南首設立年分無案可稽實貯重農積粟案內倉穀一百八十九石七升欽奉

上諭案內倉穀四十三石七斗一升積貯天下本計案穀內倉穀一千八百四十石八斗共京斗穀一千七十二石五升八勺新建倉廩八間在署內西首雍正九年奉文次第修建實貯雍正九年十年十一等年採穀三千二百石

學校

文廟一所在縣治東明嘉靖四十年知縣伍咸修建
久經頽毀康熙二十二年知縣吳成龍捐俸重修四
十八年知縣張有孚捐俸重修並建

崇聖祠共扁額碑祠與府制同歷二十餘年滲漏頽
斜兼之大成門東西有廡皆卑濕損壞圍牆角壁尚
未建設雍正十年春知縣吳烜倡議興修甫立照牆
旋於夏五月奉調離任知縣張暉接署即捐俸修葺
正殿並

崇聖祠又修建東西兩廡廡各三間大成門三間名
宦鄉賢祠各一間甬壁圍牆粉次丹堊俱煥然一新
乾隆十年陸玉琮蒞任惟見荒烟蔓草廟貌傾敝亟
捐俸建修舊制無官牆圍繞輿馬經過往來衺越用
是添砌圍牆內設頭門三間座涉池淤塞開濬疏通
大成門東西兩廡 尊經閣 崇聖祠 明倫堂
名宦鄉賢等祠一一整新黝堊塗丹規模嚴肅始於
丙寅年三月至十二月告竣並申詳
各憲謬邀記功一次

風俗

南邑地聯黔省苗民褊處俗強悍喜爭訟服食儉薄

樸野成風其編氓多負山抱崖而居易區奸匪且弱
肉強食片言乍忤即起訟端只界相爭即行先聞至
寡婦再醮除翁姑父母外姓踈戚亦勒索不依獨土
著居民農耕士讀女勤紡績尚簡樸不事儀文冠婚
禮節並元夕上巳履端諸儀與蜀中他郡同

戶口

自康熙六年奉 文清查起至雍正四年止承糧舊
戶共二千七百四十四戶人丁共四百三十五丁至
雍正九年分審出長成戶口一百一十戶

田賦

原額稅糧四千七百五十七石七斗二升八合四勺
八抄七撮四圭自康熙六年奉文清查至雍正七年
大丈止額定上田七百六十二頃九十一畝三分六
釐每畝應征丁條糧銀一分二釐一毫六絲九忽六
塵二纖共應征丁條糧銀九百一十八兩三錢九分
四釐二毫八絲九忽九微四纖中田七百六十六頃
四十三畝七分每畝征丁條糧銀一分六毫四絲九忽
七塵一纖共應征丁條糧銀八百一十六兩一錢八
分四釐二毫三忽三纖下田五百六十五頃八十四
畝九釐每畝應征丁條糧銀九釐一毫二絲八忽五

微九塵一纖共應征丁條糧銀五百一十六兩五錢
三分三釐一絲四忽七微一塵七纖上地一百六頃
八十五畝九分二釐每畝應征丁條糧銀三釐七毫
五絲一忽八微五塵六纖共應征丁條糧銀四十兩
九分二釐三絲三忽六塵七纖中地二百一頃五十
六畝九分九釐八毫每畝應征丁條糧銀三釐二毫
八絲二忽五微四塵七纖共應征丁條糧銀六十六
兩一錢六分六釐二毫九絲三忽一塵三纖下地七
十三頃九分九釐每畝應征丁條糧銀二釐八毫一
絲三忽四微二塵共應征丁條糧銀二十兩五錢四
分六毫一絲九忽八微六塵八纖上中下田地通共
二千四百七十六頃六十三畝五釐八毫通共應征
丁條糧銀二千三百八十七兩九錢一分四毫五絲
三忽八微七塵二纖過閏加徵銀六十五兩八錢七
分一釐九毫六絲九忽四微五塵六沙
乙卯年起科下荒田四十二頃一十畝應徵丁條糧
銀九釐一毫二絲八忽五微九塵一纖共應徵丁條
糧銀三十八兩四錢三分一釐三毫六絲八忽一微
一塵己未年起科下荒地二十一頃五十一畝每畝
應徵丁條糧銀二釐八毫一絲三忽四微一塵共應

徵丁條糧銀六兩四分八釐八毫一絲四忽三微
存留春秋二祭

文廟原編銀五十二兩因錢糧不敷每歲約用十六兩
係知縣自行捐備於康熙十一年奉文為祭祀

國之大典等事案內請給祭祀銀一十六兩康熙五十
年奉文為

聖治重熙等事案內將祭祀銀兩在本縣地丁銀內扣留
備祭又春秋祭祀

武廟銀一十六兩於雍正五年八月內奉文為知會事
案內照例每年於本縣地丁糧銀內扣留備祭

本縣廩生原額二十名每名額支餼糧銀九兩六錢
過閏加增銀八錢向未支給於康熙四十四年奉文為
聖治當重熙等事請復三分之一每名廩生歲支銀三兩
二錢過閏加增銀二錢六分六釐於康熙五十年奉
文廩生餼糧銀兩以五十一年為始永為定例今現
補足額廩生二十名每名歲領餼糧銀三兩二錢共
銀六十四兩過閏每名加銀二錢六分六釐六毫六
絲共扣閏銀五兩三錢三分三釐三毫於本縣該年
地丁內扣留支給支剩銀兩年終造冊奏銷解赴
布政司庫聽候撥支

起運丁條糧銀二千二百九十一兩九錢一分四毫
五絲三忽八微七塵二纖遇閏加增銀六十五兩八
錢七分六釐九毫六絲九忽四微五塵六沙又加一
五火耗銀三百四十三兩七錢八分六釐五毫六絲
八忽八塵八沙閏銀加一五耗銀九兩八錢八分七
毫九絲五忽四微一塵七纖五沙九渺解赴
布政司廣濟庫交收

鹽法

南邑鹽劬向聽民間就近買食原無額銷引自雍正
八年奉文為欽奉

上諭事案內川省州縣計口食鹽認行射洪縣水引四十
三張雍正十年知縣張暄請增水引四張共四十七
張每水引一張征税銀三兩四錢五釐共征税銀一
百六十兩三分五釐每引征羨餘銀四兩八錢九分
五釐共征羨餘銀二百三十兩六分五釐每引截角
銀六錢共徵截角銀二十八兩二錢每引紙硃銀三
釐共徵紙硃一錢四分一釐每引角力銀四釐共徵
角力銀一錢八分八釐存留本縣召募書巡四名每
歲每名額支飯食銀六兩共支給銀二十四兩在羨
餘銀兩動之

起運鹽引正稅羨餘截角共銀三百九十四兩三錢
並紙硃角力銀三錢二分九釐解赴

鹽茶道庫內交收

茶政

舊額茶課每歲征銀一兩四錢五分係隨糧辦納於
雍正 年奉文為欽奉

上諭事案內代銷榮經縣邊引二十張於本地報賣每邊
引一張權課銀一錢二分五釐共權課銀二兩五錢
每引徵稅銀四錢七分二釐共徵稅銀九兩四錢四
分每引徵羨餘銀一錢一分七釐共徵羨餘銀一兩
三錢四分每引截角銀一錢四分二釐共徵截角銀
二兩八錢四分雍正十一年知縣張恒請增腹引一
百七十張填註巴縣合州等處行銷每腹引一張權
課銀一錢二分五釐共權課銀二十一兩二錢五分每
引徵稅銀二錢五分共徵稅銀四十二兩五錢每引
徵羨餘銀九分一釐共徵羨餘銀一十五兩四錢七
分每引截角銀一錢二分共徵截角銀二十兩四錢
每引紙硃銀三釐共徵紙硃銀五錢七分每引脚力
銀四釐共徵脚力銀七錢六分通共茶引課稅羨餘
截角銀一百一十六兩七錢四分共紙硃脚力銀一

兩三錢三分解赴
鹽茶道庫內交收

雜課

魚課舊額截銀一兩零八釐歷係本縣墊解無徵
田房稅契銀兩儘收儘解歷無定額

山川

未遊山治西七里道通巴縣行者多憩息於此
鰲頭山治南一里高一里以形似故名
鳳凰山在治北七十二里有峯屹然二小山翼之似
鳳因名又有獅子峯與鳳凰山相似距不數里為

邑之勝

九盤山治東十二里峯巒高遠九折兩上蜿蜒五里
置燈山治西二里高三里
最高山治東南九十里危峯巉岩八十里視衆山若
培樓四圍壁立無路可通

九遞山治東六十里高廣不知凡許絕壁如康色人
視其昏明以候晴雨上有水豬洞高廣百尺左右
石臺有兩泉溫冷靡常池上各蟠石龍初非鐫刻
洞以龍石

金佛山治東一百里形勢巍峩懸岩峭壁陰霧晴霞

衆山環拱高及百餘里其走正安桐梓貴州界內
蒼松古柏蕪塞山徑非攀藤附葛不能登陟

熊井山治南三里上有水井味清喊高一里今并發
櫃 巖治東一百里峭岩壁立洞中有一櫃人聞斧
斤聲常有飛屑擲下疑洞中有神物也

馬嘴山治東五十里高三十里路逕通正安

奉恩山治西四十里

東峯山治東南六十里

青 山治西五十里四時常清

白霧坪治南三十里山高霧凝時有白氣繞旋

彈子山治東四十里形圓似彈

永隆山在縣西元和志隆化縣因縣永隆山為名案
宇記在隆化縣西二十里

水從山治西二十里南江別源出此

方竹箐山治南五十里路通貴州桐梓縣

橋梁

福南橋治南十五里係古三竅雍正十二年與龍濟
橋同沒於水僅有左邊石礎數尺知縣張暄捐俸
倡首砌石為四礎上架木橋覆以瓦屋五間於乾
隆元年十二月成梁

張鐵橋治西三十里

觀音橋治西四十里

水東橋治北四十里

永興橋治北八里許即今又新橋是也

土橋治東十二里扁額流金橋

石牛橋治東北五十里康熙六十年募建雍正十二

年重修扁額鳴玉橋

平灘橋治東南八十里

樊水橋治西四里

鋪遞

西路由縣前底塘鋪 船溪鋪 尖峯鋪 磴巖鋪

白土鋪 福祿鋪 杉樹鋪 大覽鋪 共九十里交巴縣界山路稍平

東路由縣前底塘鋪 歷龍興鋪 豬洞鋪 馬嘴鋪

箐口鋪 石卯鋪 天平鋪 共一百里交正定界山路崎嶇商旅難行

北路由縣前底塘鋪 安平鋪 木石鋪 皂泥鋪

煎茶鋪 連子鋪 石牛鋪 趙家鋪 卓橋鋪 共九

十里交涪州界路徑險穿

南路由縣前底塘鋪 土門鋪 頭渡鋪 雀石鋪

陳家鋪 綠水鋪 萬家鋪 趙侯鋪 平灘鋪 共八

十里交綦江縣界路途險滑

康熙六十年七月內蔡文新設舖二十九里舖舖司共五十九名每名每月給工食銀三錢五分每歲共該銀二百四十七兩八錢赴按察司庫交給雍正四年奉文裁革嗣一切公文無由遞送知縣張昞捐俸雇募舖役六人以二役安置縣前以二役安置巴縣木洞鎮以二役安置渝城專司遞送公文每歲每役給銀六兩共三十六兩歷係卑縣捐給至乾隆二年閏九月初一日後復設西路舖司兵八塘每塘二名每歲每名工食銀六兩奏銷嗣此上下公文可以無悞

祀典

文廟 署東春秋二祭

崇聖祠 名宦祠 鄉賢祠 忠孝祠 節孝祠

俱春秋二祭

文昌宮 署西官前舊地向為劣生佔售陸玉琮清厘其地建造頭門三間上懸文昌宮扁額捐資致祭

關帝廟 署南春秋二祭

先農壇 署東三里春祭

山川風雨壇 治南半里祭

社稷壇 治西半里祭

城隍祠 治東南春秋祭

土地祠署前致祭

祠觀

川主廟 治南門內

東嶽廟 治西門外二里

五顯廟 治東門外二里

報恩寺 治東門外七里

普澤寺 治北門外半里

萬壽寺 治南門外三十里

福壽寺 治東六十里

大興寺 治西六十里

淨石寺 治南九十里

桶井寺 治南五十里

三教寺 治北四十里

安山寺 治北四十里

雲都寺 治西四十里

龍興寺 治西北三十里

觀音寺 治西六十里

水井山 治東四十里今稱龍泉寺

明月寺 治北十五里今即母家寺

清寧寺 治北三十里

瑞雲寺 治北六十里

龍王廟 治西二里

金華寺 治北三十里

古蹟

隆化故城

今縣治唐屬涪州元和志縣東北至觀十一年分巴縣置隆化縣因縣西永隆山為名先天二年以犯廟諱改曰賓化宋復改隆化熙寧七年改屬南元軍元統志宋嘉熙三年徙軍治於此元統

三溪縣城

唐貞觀中置屬南川城甚危險通志為南川縣後遂併縣自後遂

飛雲閣

在普澤寺因宋舊志南川縣普澤寺有飛雲閣

萬卷樓

衍慶樓

飛雲樓

凝香樓

四樓並立名盛一時或曰漢建今存遺址見

懷清臺

在縣北為寡婦清得丹六而檀其利用以自衛

賽樂園

在縣西郭外有緣漪軒賞心亭風月亭見通志

龍洞碑

其名曰八渡重慶府南川縣龍洞碑至明得

龍王因勅封四十八渡府南川縣龍洞碑至明得

西心坎崖上隸書

舊志心坎崖上有隸書二十餘字多初殘

缺不可讀在秦若路

吹角壩古磨崖

舊志吹角壩有古磨崖風雨後剝在境內之漆溪若路二字他不可辨在

姜維碑

舊志在吹角壩穴內相傳為姜維碑今已磨滅

南州石像頌

舊志南州鎮下三里崖上有石佛像近歲有石碑出於其下云南州城外置司正

岸豫拱乃開元十八年十一月丙戌中

大夫使持節南州諸軍事守南州刺史

白鵠寺

鍾記字鍾成劉欣撰尚有一二可識曰白鵠寺鍾

劉孝標墓誌銘

南平志 郡守趙彥邁序

秩官

知縣一員

教諭一員

訓導一員

典史一員

駐防一員

僧道陰醫各一員

知縣漢唐宋元無考

陳汴 河南舉人萬曆間任

劉斐 江西人明成化間任普澤寺正梁載其名

韓應龍 湖廣襄陽人明天啟間任